


靈石縣志



康莊靈石時老

靈石 義氣 厚板 為 常 見 康 莊 板 即 除 二 十 周 外
歸 中 拍 財 三 三 林 米 之 純 如 以 在 江 南 小 肆 見
及 担 夫 面 走 視 之 全 像 土 之 善 善 本 也 皆 卷 首 序
文 有 一 頁 半 之 抄 補 焉 亦 亦 曾 極 昂 一 對 高 白 方
就 策 境 多 間 是 本 以 抄 者 亦 亦 亦 道 而 亦 亦 兩
年 前 雖 在 做 諸 亦 見 同 樣 之 抄 本 但 抄 之 極 多
今 以 其 美 本 考 而 識 之

藏 德 信 樂 上 坊



九

靈石縣志序

嘗聞元公置內外史而周禮始脩鄴侯
收圖籍而漢鼎以興史之見重於國家
也久矣但四方之志不修國史何徵歆
光簡冊而嗣前徵其道無從由茲以觀
邑志尚已夫邑之志或亦由古月吉獻
書陳詩納賈之意爾不佞於政暇閱及
靈志見分野辨而天道脩疆域奠而地
理明官師設坊表立而人事存焉是役
也固天文地理人事之紀而守土者不
可不慎其事也伏遇

序

一

上臺移檄徵志所屬靈雖撮爾隅東綿屏
峙西汾環繞鍾靈毓秀間有偉人且表
裏山河閔鎖阨塞實河東郡牖戶是志
之尤重且切也蓋靈志創始遠不可稽
一見於明萬曆辛丑知縣路一麟類稱

良吏材其箸次條目遇矚瞭然似無容更贊一辭迨自我

清版圖統一損益制易其紀載之遺缺名之替換人才之盛衰豈無繼此而有修明者念志屬不朽事傳千百世已往之典故樹千百世後起之芳規求其博而有要詳而有體憂憂乎其難之揣多固陋又兼繁雜恐難稱事延同學師

序

二

庠矣搜往牒採輿論循名核實商訂真贋仍其舊乘之篇目加以修飾可因者因之亦因其所不得因因可入者入之亦入其所不得不入裒繁益簡務使義類昭然以盡其所有事而已

康熙壬子季穉吉日知靈石縣事濟原人

侯榮圭撰

靈石縣志凡例

一舊志修後去今六十餘年時移勢殊中多缺典因陋就簡恐失體要竊取史記世界併各郡邑志彙宇諸志參訂考究義例頗正

一志與史名同記載而實則有殊史羅列國勢不詳不疏節而濶目郡邑之事辨方物明疆界表人文不區別則不備依類採輯較舊頗詳

一志尊綱目統紀斯昭今仍以篇什為綱而列目分注於下此類相從秩然有序

一祀祠凡入祀典見詳者皆分注於

廟制以志不可湮沒餘止存其名目

一公署坊表風紀攸關雖廢必書俱其名實俱忘也

一人物謹據鄉評校議質實不訛然後敢志若以魚目為珠恐視珠為魚目矣事在疑似不敢濫書

一官師科貢舊書氏於前表年於後殊失體今表年以首事分注以別類中有德業宦績者注於公氏下餘則止存姓氏



靈石縣志目錄

卷一

地理

沿革 分野 形勝 山川 城池
堡寨 關塞 古蹟 佳景 水利

建置

縣治 巡檢司 驛傳 分司 公館
社倉 武備 存恤 橋梁 市集

卷二

祠祀

廟壇 寺觀

田賦

戶口 田糧 站糧 程課 網錄
戶益 學田 銀差 力差 倉

官師

知縣 縣丞 興史 驛丞
儒學 巡檢

卷三

人物

忠孝 節義

仕進

科目 歲薦 劍貢 掾吏

祥異

卷四

馳封

文藝

編纂姓氏

濟人侯榮圭東陽父纂輯

縣丞馬文元

訓導孫進修校正

典史喬延祚

庠生張尊美編纂

庠生趙紹方謹書

庠生

陳之傳

經理

王紹祖

城境圖

護城堤

先利險設

河

瑞雲觀

東門

北

縣治

察院

預備倉

布政司

德安寺

德安寺

文廟

社壇

縣壇

川壇

文廟

文廟

土地廟


土地廟

高崖鎮

南

馬王廟


瑞雲驛



西至北孝義界六十五里

北至介休休義界七十五里

西至介休休義界七十五里



西至南汾界六十五里

西至州界五十五里

南至霍州界

東至縣七里
 東至沁源界一百十里至縣一百二十里
 西至汾州府二百二十里
 西至隰州界一百里至州界
 南至霍州界

靈石縣志卷之一

濟源侯榮圭東陽父編次

地理第一

量地制邑聖王重之靈石雖彈丸區其山川城郭及風俗之屬在在足紀然皆地理所具也作地理第一

沿革舜肇十有二州以冀州地廣分為冀幽併三州靈石時未有名在并州之域歷夏商周相因無改自晉文公追封介之推以綿上之田介休始得名乃晉大夫彌牟邑介靈石實其輿地戰國屬魏趙至秦郡

縣天下遂為太原郡地兩漢俱如之曹魏屬西河郡晉屬西河國後魏置定陽郡改介休縣為平昌北齊置南朔州後周置介休郡靈石之民咸隸焉隋開皇十年文帝駕幸太原傍汾河開道獲一石有文曰大道永吉因以為瑞遂於其地建設縣治割介休西南地以益之仍屬汾州唐武德元年改屬介州乾元初復屬汾州隸河東道五代因之復為遼所有復歸於宋靖康後陷沒於金屬汾陽軍元改屬霍州隸平陽路大德後州路數易名而縣名無易明初仍舊為靈州轄縣并隸平陽府屬河東道總隸山西布政使司



萬曆二十四年上臺建白陞汾州為府遂改隸汾州
府屬冀南道萬曆四十三年平陽縉紳李都諫等謂
為郡中閼塞同䟽建白仍隸河東道免轄霍州
國朝因之

疆域袤一百一十里廣二百七十里東抵沁源縣界
一百六十里南接霍州白道村五十五里西南至汾
西界六十五里西至濕州界一百里西北至孝義界
六十五里北至介休縣義棠鎮五十五里東北至介
休候堡村四十里南至平陽府二百四十里北至省
三百六十里至京師一千四百五十里

道里雖遠山濕居多人以石田為生所獲無幾且
北當神京孔路南為秦豫咽喉凡仕宦出入差役
往來勢若絡繹供應之間較他邑苦甚

分野河東古冀州之域為實沈大梁之分唐自胃七
度至畢十一度為大梁在酉屬冀州趙實沈之次晉
魏分野紀世平陽實沈參神也左傳靈雖一區亦在

分野

昔保章氏辨土分星隨地皆有所以觀妖祥而審
趨避也然應驗有合有不合似不必盡從其說敬
天勤民庶妄不作此人事之本窺測何恃哉

形勝南有郭家溝之天險北有靈石口之嚴關汾川襟帶於其中綿山拱峙於其東表裏山河扼塞隩要實晉陽保障河東要轄馬

山川綿山在縣東四十里以介之推隱於此名介山其山北跨介休東南連接沁源霍岳盤桓遼遠隨地異名中之形勢不可殫述蓋天下之名山也○馬頭山一名鳳頭山在縣東四十里抱腹岩南山勢聳出天晴明平陽可望見風鑑家謂平陽風氣之盛由此○抱腹山在縣東四十五里即所謂抱腹岩連接介休地亦載彼志中翠峯山在縣城東林木茂密四時

蒼翠故名馬○尖陽山在縣東南七十里山極陡峻挿入雲表每春融時積雪未消○石膏山與尖陽山相對多產石膏且佳故以為名其山有上中下三岩峯巒壁立谿壑幽深一登其上而瀟洒清奇若入異境靈石勝地無過此者○十八盤山在石膏山南山極陡險上下盤繞十八曲故名○孝文山在石膏山東十餘里相傳孝文皇帝寓此故名○逍遙山在縣南五十里○姚家山在縣西北十里○栢槐岩在縣東五十里與抱腹岩相連○馬跡岩在縣東三十五里石上有一馬跡宛然竹竿坂在縣南十里搖車纏亦

在東山中上多樹木○拖風澗在東山中人不可登
○文殊原在縣西二十里相傳文殊菩薩化現於此
故名○望川原在縣北七十里東西舖頭兩界相傳
夏禹治水於此向北觀望立祠為望川神故名○王
禹原在縣西南道美里相傳夏禹曾遊於此因立祠
故名○馬家溝原在張志里與汾西縣地境相接○
蛤蚧嶺在縣西南五十里以狀類名即古賈胡堡相
相唐兵取霍邑駐此俗呼蚰子嶺

汾河在縣西出靜樂縣管涉山下沆經縣境冷泉等
鎮直逼縣城之北焉小水河不遠縣西復轉而東抵
翠峰山下折而西南至崇河縣入於黃河○小水河
在縣北門外源出綿山與地谷及栢溝曲美峪流經
靜介等村至縣入汾夏秋水暴漲沆湧迅急勢如建
瓴縣處下流數被其患○仁義河在縣南四十里源
出沁源縣經流石碛高山之南過仁義鎮至南關鎮
入汾○曲美峪河在縣東四十里源出綿山箭藿岩
諸溝之水沆經栢溝村與小水河合同入於汾○
栢溝峪河在栢林地源出綿山樂空諸澗水流張岫
寺和與小水河合同入汾○興地峪河在栢溝村北
源出介休五龍澗源出北塔背諸澗水流經旌介等

村水利兩縣公沾會小水河入汾○石門峪河在縣西
四十里源出孝義舒江等山峪諸水會流經文學等
里至夏門鎮入汾即所謂西河也○新水峪河在縣
西南六十里源出濕州回龍印馬峪而孝義栢枝峪
諸水復自北來會之流經隄白等里至秦王嶺南入
汾
龔河在縣東一百七十里源出雀兒山岩東流入
沁河○石村溝河在縣南五里會東山之水入汾○
郭家溝河在韓侯嶺常家山之中各山水會流經
魯班纏入汾○景家溝河在索州鎮汾河西通孝
義郭壁等村諸溝之水入汾○賀家溝河在東
村北通文學里諸溝之水入汾桑平峪河在冷泉北
十里居民千餘家山水灣繞異常沙峪溝河在縣東
四里入小水河懷來峪河在縣西十里水入汾河多產
煤炭○石門溝河在仁義驛北水入仁義河柳溝河在
仁義驛東水入仁義河羅兒溝河在仁義東水入仁
義河○青石溝河在道千村水亦入仁義河○冷泉
在縣北四十里相傳今大雲可中井是又云堡中泉
是○野泉在縣南十里水極甘美○方泉在縣北七
里多產煤炭○平泉在縣西北三十里水入景家溝○
水峪溝河在縣東北十里水入小水河

城池靈石隋以前為介休地未建城郭創基自隋文
始歷唐宋金脩理莫可考元至正二十四年同僉朱
員因舊城築高二丈厚八尺洪武間知縣張先重修
正統間知縣張翼展濶北面三百餘步正德辛未為
流寇所破知縣孫璉主簿郭清築加高厚各四之一
建南北城樓四隅角樓庚辰山水暴至東面俱圯署
印府照磨白繼宗補築如故嘉靖庚子知縣種奎重
修甲辰汾河溢西南面復圯於水知縣汪文昭李微
相繼修葺隆慶己巳知縣申嘉言增高六尺再葺裏
城七尺上砌磚梁內樹女牆各門樓重加整飭舊惟
有南北門萬曆元年知縣曹乾開東西兩門三年山
水暴溢幾至壞城知縣白夏補築頽垣并砌城角石
堰易置四門吊橋仍建東西樓及南門甕城且以東
南近山受敵復建穿廊以防之城總計週圍三里一
百八步高三丈九尺城外重壕二道深廣各八尺門
四北曰承恩南曰正明東曰聞絃西曰樂泮敵樓四
南門重樓一窩舖十葦爾小城屢經修整而名山大
川四面且環繞之屹然為重地矣

國初闖亂入城焚劫殆盡城舍皆墟順治六年知縣
趙希普重修城堞石世猶流

風俗其人至今溫恭克讓好謀而深和不怒此堯之遺風也晉問。其民有先王遺教君子深思小人儉陋考。民性醇厚尚義禮有婚喪隣里相周而不吝郡志。○人性質朴士習馴雅俗淳訟簡不事驕奢六禮多遵晦菴家禮屏絕浮屠然好故事鬼神享祀報本雖費不吝蓋不免隨俗太過云志。○靈石僻在萬山間財貨不通山田瘠薄其人勤苦其風朴野故他方多事買而靈石惟力農他方士藝競趨捷徑而靈石弟子員皆守章句不敢背師說以投時好仕宦尚氣節婚姻不計財賄蓋前輩皆然而今時少替

馬觀風錄

風俗之升降國家之理亂係焉昔靈之俗男耕女織老幼恒服布衣讌會時器用瓦磁食無異品即仕宦貴顯徒步街衢夫人親操井臼質朴之風化及里閭邇來奢靡習熟不論紳衿士庶服不衣綺純者愧進不登異味者耻所賞不經日就空虛瘠薄之區堪此敗壞哉然承襲之弊固成於下而轉移之權實存乎上司風化者念之哉

堡寨索州堡在縣北二十里索洲鎮東山上。○桑泉堡在縣北四十里。○桑泉關東山上。○桑泉堡在縣北

五十里桑平峪村南山上內有一井淵源不竭○靜
昇堡在縣東二十里靜昇村北山上遇亂避兵一方
恃為保障焉○仁義堡在縣南四十里仁義鎮北山
上即劉武周修築瓦兵以拒唐兵之處四面斬削山
壁立峭拔若天成者極為完固○上村堡在縣東三
里上村北山上○馬跡崖寨在縣東三十五里綿山
上勢極陡峻其中岩穴窰洞足容數千人四面俱無
路惟一石梯攀緣可登極高又有一石門據之雖萬
夫莫敢仰視遠近人家聞有警皆奔趨以避兵患○
送飯子寨在縣東三十里牛鼻山岩下高峻險阻不
可上人多依之以避兵患○三清寨在縣東四十里
綿山上四面俱懸崖陡澗險不可登上有一尖峰高
過百餘丈厚數十丈若屏風然人謂之屏風石內有
清泉可以避兵○曲買峪寨在縣東四十里山亦陡
峻其中亦有清泉土人嘗避兵於此○禪房岩寨在
綿山內四圍險阻中僅一路可通上有一石洞深入
百尺風雨莫能加內一泉深止二三尺四時旱亦不
涸潦亦不溢人以為神○桑平墩在桑平峪○冷泉
墩在冷泉鎮○兩渡墩在兩渡鎮○索洲墩在索洲
鎮河洲墩在河洲舖五墩相連在縣北○胡家嶺